

REFERAT AIA - Aningaasaqarnermut Inuussutissarsionermullu Ataatsimiititaq d. 27-06-2019

Mødedato Torsdag d. 27. juni 2019 kl. 18:00

Mødested Kommunalbestyrelsen ataatsimiittarfia

Indholdsfortegnelse

Saqqaa.....	3
Oqaluserisassat akuerineqarneri.....	4
Siulittaasumit nalunaarutit.....	5
Ilisimatitsissutit.....	6
Tunami inuussutissarsiornerup ineriartortinneqarnissaa pillugu siunniussaqaarluni nalunaarut aamma.....	7
Illoqarfiit pingaarnersaannut periusissiap killiffia.....	10
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	13
Aalajangiiffigisassat.....	16
Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsim.....	17
Meeqqanut Atuarfeqarnermullu Ataatsimiititap Paamiunut Arsummullu angalaneranik nalunaarusia.....	21
Suliat Kommunalbestyrelsimut ingerlateqqitassat.....	24
Inatsisit malillugit immikkoortumik nakkutilliineq pillugu nalunaarusiaq.....	25
Aqqaluup Aneerasaartarfia.....	29
Qernertunnguani Saunamik atisanillu taarsiisarfimmik sananeq.....	33
Kommunimut pilersaarummut tapiliussassatut siunnersuut 1C6-2, Nuummi Naasuerniarfusimasup.....	36
Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk.....	40
Kommunimut pilersaarummut tapiliussassatut siunnersuut 1C35-2 Peqqissaavik Nuuk.....	44
Angerlarsimaffeqanngitsuuneq pillugu periusissiatut pilersaarut.....	48
Nunaqarfiit katersortarfiinik tigusineq.....	52
Ittoqqortoormiuni amminik tunitsiveqarniarerup aaqqiivigineqarnissaanut suliniut.....	57
Taasariaqartut allat.....	60
Suliat matoqqasut.....	61
Lukket.....	62
Lukket.....	63
Imaqarniliap akuerineqarnera.....	64

Punkt 0: Saqqaa

Ilaasortat

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Randi Vestergaard Evaldsen (D)

Peter Davidsen (S)

Jens Kristian Berthelsen (S)

Beslutning

Uju Petersen (IA) Charlotte Pikemut (IA) sinniisutut peqataavoq.

Oqarasuaatikkuq peqataapput: Henrik Rachlev (IA) aamma Harald Bianco (IA)

Randi Vestergaard Evaldsen (D) kiisalu sinniisussaa Justus Hansen (D) peqataasinnaanatik nalunaarput

07A-mi aamma 07B-mi Lars Møller-Sørensen sulianut attuumassuteqarpallaarnini pillugu peqataassanngilaq.

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput, taamaattorli Siumut ima akertilissuteqarput: Immikkoortup matoqqasup 07B-p ilisimatitsissutaanera akleraarput, aalajangiiffigisassaassaaq.

Punkt 2: Siulittaasumit nalunaarutit

Siulittaasumit nalunaarutit

Beslutning

1. 18. juuni 2019 Borgmesterip kvartalikkaartumik Nunaqarfiit Aqutsisuisa siulittaasuanik ataatsimeeqateqarnera oqarasuaat atorlugu ingerlanneqarpoq. 2020-mut missingersuutit sukumiisumik pilersaarusiornissaat anguniarlugu ataatsimiinnermi isumaqatigiissutigineqarpoq Borgmesterip Nunaqarfinni Aqutsisut siulittaasui immikkut ittumik ataatsimeeqatigineqarnissaannut aggeqqusissasoq, Kommunalbestyrelsimi 2020-mut missingersuutit siullermeerinissaa qaammammik ataatsimik sioqqullugu.
2. Inatsisartut aalajangigaat UA 19/229 tunuliaqutaralugu, Naalakkersuisut piunaffigineqarnerat, danskit naalagaaffiannut ikioqqullutik saaffiginnissasut, meeqqat Tasiilamiittut Kalaallillu Nunaanniittut sinneri ikiorneqarnissaat pillugu, Peqqissutsimut Naalakkersuisoqarfiup, Isumaginninnermut Inatsisilerinermullu Naalakkersuisup nuna tamakkerlugu borgmesterit ataatsimiinissaanut 26. juuni 2019 qaaqqusivoq. . Ataatsimiinnermi borgmesterit tamarmik peqataapput taamaallaat Kommune Kujalleq pinnani. Naalakkersuisup danskit naalagaaffianut ingerlasussanik borgmesterit allakkanik allaqqitassiamik nassiussiniarpoq, tassani allaqqassaaq ikiuutissat soorliit kommuninit ujartorneqartut. Borgmesterit Naalakkersuisoq ataatsimeeqatiginnginnerani, Kommuneqarfik Sermersuumi Borgmesterip Kommunalbestyrelsimi partiit siulittaasui qaaqquai politikikkut isummatik aamma sammisamat siunnersuutit tusartinnissaat periarfissinnissaat siunertaralugu.
3. 26. juuni 2019 Kommuneqarfik Sermersooq Århusip borgmesterianik tikeraarneqarpoq taanna Nuummiippoq ”Århus Havnimeersut Nuummut tikeraarnerannut atatillugu. ”Århus Havn” Ataatsimiititap siulittaasua aamma Århus-ip kommuniata borgmesteriuvoq, taassumalu illoqarfiit pingaarnersaannut tikeraarnera iluatsillugu Kommuneqarfik Sermersooq takuaa tassungalu atatillugu aamma Borgmesteri naapillugu.
4. 12. juuli Kommuneqarfik Sermersuumi Borgmesteri Avannaata Kommuneani borgmesterimit tikeraarneqassaaq.
5. ullut 9-24. aggustimi 2019 Borgmesteri sulinngiffeqassaaq. Sulinngiffeqarnerani borgmesterip tullia siulleq borgmesteriugallassaaq.

Punkt 3: Ilisimatitsissutit

Punkt 03A: Tunumi inuussutissarsiornerup ineriartortinneqarnissaa pillugu siunniussaqaarluni nalunaarut aamma Tunumi aalisarneq pillugu Sermersooq Business Councilip nalunaarusiaa

Beslutning

Ilisimatitsissut tusaatissatut tiguneqarpoq, oqaaseqaatigalugu aalajangiinermut ilanngunneqassasoq suleqatigiit ataavartumik Aningaasaqarnermut Inuussutissarsiornermullu Ataatsimiititamut ilisimatitsissuteqartassasoq.

Bilag

Siunniussaqaarluni nalunaarut

Tunumi aalisarneq pillugu suliniut SBC-mit nalunaarusiarineqartoq

Tunumi inuussutissarsiornerup ineriartortinneqarnissaa pillugu siunniussaqaarluni nalunaarut aamma Tunumi aalisarneq pillugu Sermersooq Business Councilip nalunaarusiaa

Ilisimatitsissut

J.nr.: 66.15-A00-41-19

Ingerlatsivik - Kommunaldirektøri Lars Møller-Sørensen / LMS

Suliassamik eqikkaaneq

Aningaasaqarnermut Inuussutissarsiornermullu Ataatsimiititap maajimi 2019-imi ataatsimiinnerani Peter Davidsen "Tunumi aalisarnermut ikaarsaariarnermi siunnersorteqarnikkut ersarissumik anguniagaqaarnissaq pillugu aallajangiiffigisassatut siunnersuut" pillugu siunnersuuteqarpoq inassuteqaallu akuerineqarpoq, Borgmesterillu Tunumi aalisarnerup ineriartortinnissaanik tassungalugu atatillugu politikkikkut anguniagassat pillugit Aalisarnermut, Piniarnermut Nunalerinermullu Naalackersuisup suleqatiginissaanik ataqatigiisaarissasoq aalajangerneqaarluni. Aammattaaq sinerissap qanittuani aalisarnerup iluani tapertaanissamut periarfissat eqqarsaatigalugit Sermersooq Business Councilimii, Namminersorlutik Oqartussaniit aamma kommunimii ataqatigiissakkamik suliniuteqarnissamut iliuusissatut pilersaarummik imalimmik Sermersooq Business Councilimii killiffissiuoqarnissaa kissaatigineqarpoq.

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tigussagaa

Suliassamik saqqummiussineq

Aalisarnermut, Piniarnermut Nunalerinermullu Naalackersuisoqarfiup aamma Kommuneqarfik Sermersuup akornanni suleqatigiinneq.

Tunumi piniarnermik aamma aalisarnermik inuussutissarsiutit siuarsarneqarnissaat qulakkeerniarlugit Aalisarnermut, Piniarnermut Nunalerinermullu Naalackersuisoq aamma Kommuneqarfik Sermersuumi borgmesteri ulloq 31. maaji 2019-imi siunniussaqaarluni nalunaarummik atsioqatigiipput. Siunniussaqaarluni nalunaarummi matumani Tunumi piniarnermik aalisarnermillu inuussutissarsiuqarnerit ineriartortinnissaannut akimmiffiusinnaasunik annikillisaasoqarnissaanut suleqatigiit iliuuseqaqatigiinnissaat siunertaavoq. Suleqatigiinnit anguniarneqarpoq ataatsimoorussamik suliniuteqartoqarnissaa, Tasiilami piaartumik tunitsivimmik pilersitsisoqassasoq, namminersortut suleqatigalugit.

Naalackersuisut nammineq suliffiutilinnit qinnuteqaammik tigusaqarniarunik aalajangiinissat pisariaqartut sulissutigiumaarpaa. Tunitsivissamik aalisakkanillu suliffissuarmik pilersitsinissamut akuersissut matumani pineqarumaarpoq, aalisarneq pillugu inatsimmi §22a innersuussutigalugu. Tassunga ilanngullugu nammineq suliffiutilit Inuussutissarsiornermut Naalackersuisoqarfimmut tunngasunik aningaasanut inatsimmi aningaasaliissutaasut aqqutigalugit, ingerlatsinerneq tapiiffigineqarnissaminnik qinnuteqaateqarsinnaapput. Nammineq suliffiutillip tunitsiviliorinissamik kissaataa naapertorlugit Kommuneqarfik Sermersuup nunaminertamik immikkoortitsinissaq aammalu illoqarfiup ilaanut pilersaarutip nutarterneqarnissaanut sulineq tapersersussavaa.

Ittoqqortoormiini piniarnermut inuussutissarsiutit ineriartorteqqinneqarnissaanut Naalackersuisoqarfik Kommunilu sulissapput. Sulinerup ilaa Naalackersuisoqarfimmiissaaq, taavalu Kommune suleqatigiissitaliorniartarpoq, Tunumi aalisarnermut piniarnermullu inuussutissarsiuqarnerup tapersersorneqarnissaanut periarfissanik ujartuinissaq siunertaralugu.

Sermersooq Business Council Tunumi aalisarnermut suliniutit pillugit nalunaarusiussaaq

Tunumi piniartuunermit aalisartuunermit ikaarsaarneq pillugu suliniuteqarneq 2017-imi aningaasaateqarfimmit ingerlanneqarsimasoq Sermersooq Business Councilip nalunaarusaani takuneqarsinnaavoq. Amerlanerit aalisarnermut inuussutissarsiummik ingerlatsilernissaat Tunumilu

tunisisarneq annertusiniassamat Tasiilap eqqaani inuit amerlanerusut inuussutissarsiuteqalernissaat ilaatigut siunertaavoq.

Piffissami 2017-imiit 2018-imut suliniutigineqartoq suliffeqarfik siunnersuisartoq Amma Consultingimit suliarineqarpoq. 2019-imi januaarip qaammataani SBC aalajangerpoq suliniut namminersuutigissallugu.

Ukiup 2019-ip ukiullu tullinnguuttit ingerlanerini pikkorissarnerit suut pisariaqartinneqarnersut paasiniarlugit aalisartut oqaloqatigineqassapput. Sammisassat tamakku pillugit KNAPK pikkorissartitsisuusassaasortaaq SBC-mit oqaloqatigineqarpoq.

SBC upernaakkut Tasiilap eqqaa Ittoqqortoormiillu angalavai. Aalisartunik aalisarnermut akuersissutinik, ulluinnarni naatorsuutit allattornerinik, akileraartarnermut tunngasunik, ikorfartuinissamat periarfissanut il. il. tunngasunik ikiorserneqarusuttut ilitsersorneqarusuttullu ataasiakkaarlugit siunnersorneqassapput.

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppernarsaatitalit
Aalisarnermut, Piniarnermut Nunalerinermullu Naalakkersuisoqarfiup aamma Kommuneqarfik Sermersuup akornanni siunniussaqaarluni nalunaarut.

Ingerlariaqqinnissaq
Soqanngilaq

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaaqatigiinneq
Soqanngilaq

Ingerlatsivinnit allaniit oqaaseqaatigineqartut
Ingerlatsivinnit allaniit oqaaseqaatinik pissarsiniartoqarsimanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap 20, maaji 2019-imi aalajangiinera:

Inassuteqaat imatut oqaaseqaatitalerlugu akuersissutigineqarpoq:

Tunumi aalisarnermik ineriartortitsineq pillugu, tassunga ilanngullugu politikikkut anguniakkat pillugit Borgmesterip Aalisarnermut, Piniarnermut Nunalerinermullu Naalakkersuisup suleqatiginissaa ataqatigiissassagaa. SBC-miit killiffik, aamma sinerissami qanittumi aalisarneq pillugu SBC-miit, Namminersorlutik Oqartussaniit kommunimiillu ataqatigiissakkamik suliniutit pillugit iliuusissatut pilersaarummik imaqaasasoq.

Ilanngussat

1. Siunniussaqaarluni nalunaarut
2. Tunumi aalisarneq pillugu suliniut SBC-mit nalunaaruserineqartoq

Punkt 03B: Illoqarfiit pingaarnersaannut periusissiap killiffia

Beslutning

Ilisimatitsissut tusaatissatut tiguneqarpoq.

Bilag

Tema 1.docx

Tema 2.docx

Tema 3.docx

Tema 4.docx

Illoqarfiit pingaarnersaannut periusissiap killiffia

Ilisimatitsissutitut

J.nr: 66.15-A00-5-19

Suliffeqarfimmi kiffartuussivik – Kommunaldirektør Lars Møller-Sørensen / LMS

Suliap eqikkarnera:

2017-imi Kommuneqarfik Sermersuumi kommunalbestyrelsimit Illoqarfiit pingaarnersaannut periusissiaq annertuunik anguniagassartalik akuersissutigineqarpoq, Nuup illoqarfiit pingaarnersaattut ineriartorteqqinneqarnissaanut tunngaviliisussa. Periusissiaq illoqarfimmi assigiinngitsunik suliallit suleqatigalugit pilersinneqarpoq, ataatsimiitsitsisarnerni aamma sulianik nittarsaassinerni arlalinni taakku iliuusissamut immersueqataapput.

Illoqarfiit pingaarnersaannut periusissiaq pingaarnernik sisamanik anguniagassartaqarpoq:

- Nuuk issittumi illoqarfiit pingaarnersaattut
- Nuuk inuit ineriartornissaannut pilersitsiffiusoq
- Nuuk inuussutissarsiutinik siuarsaaffittut qitiusoq
- Nuuk illoqarfiit pingaarnersaat imminut napatittoq

Anguniagassani ataasiakkaani arlalinnik assigiinngitsunik suliarineqartunik anguniagassaqarpoq, ingerlatsivinnilu assigiinngitsuni suut suliarineqartut ilisimatitsissutigineqartarpoq Illoqarfiit pingaarnersaannut periusissiami takorluukkanut anguniakkanullu tapertaasut.

Inassutigineqartoq

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq

Suliamik saqqummiussissut

2017-imi Kommuneqarfik Sermersuumi Kommunaldirektørimit Illoqarfiit pingaarnersaannut periusissiaq annertuunik anguniagassartalik akuersissutigineqarpoq, Nuup illoqarfiit pingaarnersaattut ineriartorteqqinneqarnissaanut tunngaviliisussa. Periusissiaq illoqarfimmi assigiinngitsunik suliallit suleqatigalugit pilersinneqarpoq, ataatsimiitsitsisarnerni aamma sulianik nittarsaassinerni arlalinni taakku periusissiamut immersueqataapput.

Illoqarfiit pingaarnersaannut periusissiaq pingaarnernik sisamanik anguniagassartaqarpoq: Anguniagassani ataasiakkaani arlalinnik assigiinngitsunik suliarineqartunik anguniagassaqarpoq, ingerlatsivinnilu assigiinngitsuni suut suliarineqartut ilisimatitsissutigineqartarpoq Illoqarfiit pingaarnersaannut periusissiami takorluukkanut anguniakkanullu tapertaasut.

Aaqqiissutissatut siunnersuut – suliatigut naliliineq

Suliniutit amerlasuut aallartisarneqarput Nuup illoqarfiit pingaarnersaattut takorluukkanut ilaasunik. Suliffeqarfimmi kiffartuussiviup nalilerpaa, suliniutaareersunik suliaqarnikkut kiisalu nutaanik ineriartortitsinikkut angusat pitsaasut Illoqarfiit pingaarnersaannut iliuusissamut atortussanngortinneqarsinnaasut innuttaasunut suliffeqarfinnullu iluaqutaasumik.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavigisat allagaatillu tunngaviliiviusut
Illoqarfiit pingaarnersaannut periusissiaq

Ingerlaqqinneq

Illoqarfiit pingaarnersaannut periusissiaq ingerlatsivinni ataasiakkaani ingerlateqqinneqarpoq
Ineriartortitsinermut piujuartitsinermullu immikkoortoqarfiup suliap killiffia ataatsimiititamut
ingerlaavartumik ilisimatitsissutigisartagaanik.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik akuutitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Kommunip ingerlatsiviinit tamanit isumassanik aallertoqarpoq

Ilanngussat

1. Takorluugaq 1 – Nuuk issittumi illoqarfiit pingaarnersaattut
2. Takorluugaq 2 – Nuuk inuttut ineriartornermut qitiusutut
3. Takorluugaq 3 – Nuuk namminersorluni inuussutissarsiuuteqartunut siuarsarnissamut qitiusoq
4. Takorluugaq 4 – Nuuk issittumi illoqarfiit pingaarnersaattut piujuartitsisoq

Punkt 03C: Ineriartortitsinissamut Pilersaarut pillugu killiffimmik nalunaarusiaq MI 2017-2020

Beslutning

Ilisimatitsissut tusaatissatut tiguneqarpoq.

Bilag

Killiffik pillugu nalunaarusiaq 7, 2019-imi kvartali siulleq

Ineriartortitsinissamut Pilersaarut pillugu killiffimmik nalunaarusiaq MI 2017-2020

Killiffiup nalunaarusiornera 7, kvartali siulleeq 2019

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Suliassamik eqikkaaneq

Ineriartortitsinissamut pilersaarutip killiffia pillugu nalunaarusiaq 7, Meeqqanut Ilaqutariinnullu Ingerlatsivimmi 2017-2020 piffissami januaarip aallaqqaataanit marsip 31-at 2019 tungaanut, nalunaarusiaq Deloitte peqatigalugu suliaavoq. Sammisassaqaqarnermut pilersaarut 2018-imi septembarip ulluisa 13-ianni akuersissutigineqartoq naapertorlugu killiffimmik nalunaarusiaq suliarineqarpoq.

Suliaq Meeqqanut Ilaqutariinnullu Ataatsimiititami 13. juuni 2019 oqaluuserineqarpoq, tassanilu ilisimatitsissut tusaatissatut tiguneqarpoq, Aningaasaqaqarnermut Inuusutissarsiornermullu Ataatsimiititamut ilisimatitsissutitut ingerlateqqinneqarluni.

Inassuteqaatit

Meeqqanut Ilaqutariinnullu Ataatsimiititap Aningaasaqaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivik 2019-imi kvartalimi siullermi atorfinnik inuttaqanngitsunik arlalinnik sunnerneqarsimavoq, taakkununga ilaapput: nakkutilliinermi siunnersorti, AC'-t marluk illullu iluani supervisorit marluk. Taakkua saniatigut sullissisutut atorfiit inuttaqanngillat kiisalu Nuummi suleqatigiiaanni aqutsisutut atorfiit arlariit paarlakaaffiupput.

Oqartussaqaqarfirmut tunngasuni kvartalimi siullermi suli isumaginninnikkut misissugassanut tunngasut annertuumik amerliartorfiupput. Peqatigitillugu isumaginninnikkut sulianik misissuinermit suleriuseqarnissaq eqqarsaatigalugu suli pigiliussaqaqarnissaq amigaatigineqarpoq kiisalu Misissuisartoqatigiinni sullissisunik misilittagalinnik amigaateqartoqarpoq.

Pitsaaliuinermit Katsorsaanermullu/ikiorsiissuteqartarnermullu tunngasuni nutaamik aaqqissuussineq malunnaateqarsimavoq, meeqqat inuusuttullu angerlarsimaffiup avataanut inissinneqartartut ikilisinneqarnissaannik anguniakkamik ikorfartuisussa. Ingerlatsiviup neqeroorutaanik suli at allattorsimaffii suliaralugit aallartinneqarput. Suli at allattorsimaffiisa qaqugu naammassineqarnissaat maannangaaq oqaatigineqarsinnaanngilaq. Pitsaaliuinermit Katsorsaanermullu Immikkoortumut uuttuutit aalajangersarnissaannut suli at allassimaffii tunngaviliisuussapput.

Aaqqiissutissatut siunnersuut – suli atigut naliliineq

Aqutsinermit aaqqissuussaananermillu pitsanngorsaaneq

Ingerlatsivimmi aqutsinerup ajornartorsiutaanera siusinnerusukkat Deloitte-mit oqaatigineqarpoq, fagcheft pisortallu assigiinngitsumik paasinnittarnerat tunngavigalugu. Tamanna ingerlatsiviup tungaaniit aaqqiiviginiarneqarpoq.

Kvartalimi siullermi sulisut naammassisaqarsinnaassusiat annerusumik eqqumaffigineqarsimavoq, tamannalu sulisunut kinguneqartitsinermit nassataqarsimavoq. Taamatullu sulinermit pausertarnerit

aamma sukateriffigineqarput, ullup qeqqata siornatigut pausertarneq nal 9.00-9.15-ip akornanni pisartussatut aalajangersaavigineqarluni ualikkut nal 14.30-14.45. Ullup qeqqartarneq minutsit 29-t nal 11.45 aamma 12.45 akornanni pisassaaq.

Aarlerinaatit

Ingerlatsiviup aaqqissuussaananeraniq iluatsittumik allanngineq ilinniarsimasunik naammattunik sulisoqalernissamat tunngaviussasoq naatsorsuutigineqarpoq. Sullissisunik misilittagalinnik sulii amigaateqarpoq.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitalit
Ineriartortitsinissamat Pilersaarut MI 2017-2020

Ingerlariaqqinneq

Ineriartortitsinissamat Pilersaarut MI 2017-2020 naapertorlugu ineriartortitsinissamat sulineq ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allaniit oqaaseqartitsiniartoqanngilaq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 13. juuni 2019-imeersoq:
Inassuteqaat akuerineqarpoq

Ilanngussat

1. Killiffik pillugu nalunaarusiaq 7, 2019-imi kvartali siulleq

Punkt 4: Aalajangiiffigisassat

Punkt 04A: Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsimiititap Ittoqqortoormiunut ataatsimiititatus angalanerini angalanermit nalunaarusiaq

Beslutning

Inassuteqaatigineqartoq akuerineqarpoq.

Bilag

Piffissami 2019-imi aprilip qaammataani Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsimiititap angalanerinit nalunaarusiaq.

Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsimiititap Ittoqqortoormiunut ataatsimiititatu angalanerini angalanermit nalunaarusiaq

Aalajangiiffigisassaq

J.nr.: 01.02

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsimiititap 2019-imi apriliip qaammataata aallartinnerani Ittoqqortoormiunut angalapput. Ataatsimiititap suliassatut susassa qarfiisa iluiniittut alakkarternissai, misigisa qarfiginissai aamma siammasissumik misilittakkatut tunngavissaqarnissaq taavalu ataatsimiititap susassa qarfiiniittut suliffe qarfiit pulaarnissaat angalanermit siunertarineqarpoq. Taamaattoq Meeqqanut Atuarfeqarnermullu Ataatsimiititap suliassa qarfianiittut Meeqqanut Ilaqutariinnullu Ataatsimiititami alakkarterneqartariaqarsimapput, tassami Ittoqqortoormiini Meeqqanut Ilaqutariinnullu tunngassutilinnik suliffe qarfeqannginnami.

Ittoqqortoormiunut angalaneq ataatsimiititap politikikkut suleriaqqinnissaanut isumassarsiorfiullunilu ilisimasaqalersitsissaaq. Ataatsimiititap suliassa qarfiinut tunngatillugu Ittoqqortoormiini innuttaasut kissaataat isumaallu politikkerinit tusarnaarneqarput, aammalu innuttaasunik ataatsimiititsinermit politikikkut sulineq pillugu innuttaasut politikkerinit apeqquteqarnissaat periarfissaalluni.

Suliaq Suliffeqarnermut Isumaginninnermullu Ataatsimiititami 4. juuni 2019 oqaluuserineqarpoq, tassanilu ataatsimiititami angalanermit nalunaarusiaq akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut akuerisassanngorlugu ingerlateqqillugu.

Suliaq Meeqqanut Ilaqutariinnullu Ataatsimiititami 13. juuni 2019 oqaluuserineqarpoq, tassanilu ataatsimiititami angalanermit nalunaarusiaq akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut akuerisassanngorlugu ingerlateqqillugu.

Inassuteqaatit

Meeqqanut Ilaqutariinnullu Ataatsimiititap aammalu Suliffeqarnermut Isumaginninnermullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- angalaneq pillugu nalunaarusiaq Aningaasaqarnermut Inuussutissarsiornermullu Ataatsimiititami akuersissutigineqassasoq.

Suliassamik saqqummiussineq

Meeqqanut Ilaqutariinnullu Ataatsimiititap kiisalu Suliffeqarnermut Isumaginninnermullu Ataatsimiititap 2019-imi apriliip qaammataata aallartinnerani Ittoqqortoormiunut angalapput. Ataatsimiititap suliassatut susassa qarfiisa iluiniittut alakkarternissai, misigisa qarfiginissai aamma siammasissumik misilittakkatut tunngavissaqarnissaq taavalu ataatsimiititap susassa qarfiiniittut suliffe qarfiit pulaarnissaat angalanermit siunertarineqarpoq. Taamaattoq Meeqqanut

Atuarfeqarnermullu Ataatsimiititap suliassa qarfianiittut Meeqqanut Ilaqutariinnullu Ataatsimiititami alakkarterneqartariaqarsimapput, tassami Ittoqqortoormiini Meeqqanut Ilaqutariinnullu tunngassutilinnik suliffeqarfeqannginnami.

Ittoqqortoormiitut angalaneq ataatsimiititap politikikkut suleriaqqinnissaanut isumassarsiorfiullunilu ilisimasaqalersitsissaaq. Ataatsimiititap suliassa qarfiinut tunngatillugu Ittoqqortoormiini innuttaasut kissaataat isumaallu politikerinit tusarnaarneqarput, aammalu innuttaasunik ataatsimiititsinermit politikikkut sulineq pillugu innuttaasut politikerinut apeqquteqarnissaat periarfissaalluni.

Meeqqanut Ilaqutariinnullu Ataatsimiititami peqataapput Uju Petersen (siulittaasoq), Knud Mathiassen (ilaasortaq), Inge Olsvig Brandt (ilaasortaq) Ane Egede Mathæussen (ilaasortaq) aamma Rasmine Geisler (ilaasortaq).

Suliffeqarnermut Isumaginninnermullu Ataatsimiititami peqataapput Charlotte Ludvigsen (siulittaasoq), Inge Olsvig Brandt (ilaasortaq) Rasmine Geisler (ilaasortaq) aamma Rolf Pike (ilaasortaq)

Allaffeqarfimmit peqataapput Martha Lund Olsen (Meeqqanut Ilaqutariinnullu Ingerlatsivimmi pisortaq) Isak Nielsen Kleist (Suliffeqarnermut Isumaginninnermullu Ingerlatsivimmi pisortaq) Pernille Ødegaard (Ataatsimiititami allatsi) kiisalu Irene Jeppson (attaveqatigiinnermut immikkoortortaqarfimmi sulisoq)

Pulaakkat tassaapput:

- Ejnar Mikkelsenila Aluarpia
- Kutsaddar
- Majoriaq
- Majoriaq arnat illuat/Mersortarfik
- Majoriaq Sanaluttarfik
- Utoqqaat najugaqatigiiffiat
- Meeqquarivik Paarsisor

Suliffeqarfiit assigiinngitsut pulaarnerisa saniatigut ataatsimiititap innuttaasunik ataatsimiititsipput, aamma Ittoqqortoormiini najukkami ataatsimiititaliamit oqaloqatigiinnissamut aggersarneqarlutik. Tamatumani saniatigut ataatsimiititani siulittaasut innuttaasunik ataasiakkaanik tikeraarnermini oqaloqateqarput.

Aaqqiissutissatut siunnersuut – suliatigut naliliineq

Ataatsimiititap angalanerani ingerlateqqitassanut tunngasut allaffeqarfimmit atorfilittaniillu isumagineqassapput.

Aningaasatigut sulisoqarnikkullu naliliinerit

Naliliineqanngilaq

Inatsisitigut tunngavissaq allakkallu tunngaviusumik uppemarsaatitallit

Ataatsimiititap suleriaasia

Ingerlariaqqinnissaq

Aningaasaqarnermut Inuussutissarsiornermullu Ataatsimiititap tikeraarnerup nalaani paasisarilikkat ataatsimiititap suliaqarnermi atussavai, matumani innersuussutit ataatsimiititap suleriaqqinnissamut atugassatut toqqagai ilanngullugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Siornatigut aalajangerneq

Suliffeqarnermut Isumaginninermullu Ataatsimiititap aalajangernera 4. juuni 2019-meersoq:

Inassuteqaatit akuerineqarput

Meeqqanut Ilaqtariinnullu Ataatsimiititap aalijangernera 13. Juuni 2019-meersoq:

Inassuteqaatit akuerineqarput

Ilanngussaq

1. Piffissami 2019-imi apriliip qaammataani Meeqqanut Ilaqtariinnullu Ataatsimiititap kiisalu Suliffeqarnermut Isumaginninermullu Ataatsimiititap angalaneranut nalunaarussiaq.

Punkt 04B: Meeqqanut Atuarfeqarnermullu Ataatsimiititap Paamiunut Arsummullu angalaneranik nalunaarusiaq

Beslutning

Inassuteqaatigineqartoq akuerineqarpoq.

Bilag

Meeqqanut Atuarfeqarnermullu Ataatsimiititaliap marsi 2019-imi Arsummut Paamiunullu tikeraarannut atatillugu programmi.

Meeqqanut Atuarfeqarnermullu Ataatsimiititap Paamiunut Arsummullu angalaneraniq nalunaarusiaq

Aalajangiiffigisassaq

J.nr.: 01.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Ataatsimiititaq marsip naanerani 2019-imi Arsummut Paamiunullu angalavoq.

Ataatsimiititap susassaqrifiini meeqqereveqarnermut, atuarfeqarnermut, sunngiffimmi ornittagaqarnermut, timersortarfeqarnermut sunngiffimmilu sammisassaqaqarnermut tunngasunik takusaanissaq misigisaqarnissarlu angalanermit siunertaavoq. Angalaneq ataatsimiititap politikkikkut suleriaqaqqinnissaanut isumassarsiorfiullunilu ilisimasaqalersitsissaaq.

Suliaq Meeqqanut Atuarfeqarnermullu Ataatsimiititami 18. juuni 2019 oqaluuserineqarpoq, tassanilu ataatsimiititami angalanermit nalunaarusiaq akuerineqarpoq, suliarlu inaarutigalugu Aningaasaqarnermut Inuussutissaqaqarnermullu Ataatsimiititamut akuerisassanngorlugu ingerlateqqillugu.

Inassuteqaatit

Meeqqanut Atuarfeqarnermullu ataatsimiititaq Aningaasaqarnermut Inuussutissarsiornermullu

Ataatsimiititamut inassuteqaatigaa:

- angalanermik nalunaarusiaq Ataatsimiititami akuersissutigineqassasoq.

Suliassamik saqqummiussineq

Ataatsimiititaq marsip naanerani 2019-imi Arsummut Paamiunullu angalavoq.

Ataatsimiititap susassaqrifiini meeqqereveqarnermut, atuarfeqarnermut, sunngiffimmi ornittagaqarnermut, timersortarfeqarnermut sunngiffimmilu sammisassaqaqarnermut tunngasunik takusaanissaq misigisaqarnissarlu angalanermit siunertaavoq. Angalaneq ataatsimiititap politikkikkut suleriaqaqqinnissaanut isumassarsiorfiullunilu ilisimasaqalersitsissaaq.

Meeqqanut Atuarfeqarnermullu Ataatsimiititami peqataapput, Henrik Rachlev (siulittaasoq), Knud Mathiasen (ilaasortaq), Thiiioq Knudsen (ilaasortaq) aamma Michael Rosing (ilaasortaq).

Allaffeqarfimmit peqataapput, Helene Broberg Berthelsen (Meeqqanut Atuarfeqarnermullu Ingerlatsivimmi pisortaq) Pernille Ødegaard (ataatsimiititami allatsi) kiisalu Mona Mogensen (oqalutsi)

Pulaakkat tassaapput:

Arsuk:

- Atuarfik
- Meeqqerivik "Ikinngutinnguaq"
- Nunaqaqarimmi Aqutsisut

Paamiut:

- Meeraaqqerivik "Meeraq"
- Meeqqerivik "Miki"

- Atuarfik Tuiisaaq
- Inuusuttut ornittagaat "Kalaaleq"
- Atuareernermi ornittagaq Nanoq
- Timersortarfik
- Nipilersornermik Ilinniarfik

Arsummi Paamiunilu suliffeqarfinnut assigiinngitsunut takusaanerup saniatigut ataatsimiititaq innuttaasunik ataatsimiititsivoq.

Aaqqiissutissatut siunnersuut – suliaticigut naliliineq

Ataatsimiititap angalanerani ingerlateqqitassanut tunngasut allaffeqarfimmit atorfilittaniillu isumagineqassapput.

Aningaasaticigut sulisoqarnikkullu naliliinerit

Soqanngilaq

Inatsitigut tunngavissaaq allakkallu tunngaviusumik uppersaatitalit

Ataatsimiititap suleriaasia

Ingerlariaqqinnissaaq

Aningaasaqarnermut Inuusutissarsiornermullu Ataatsimiititap tikeraarnerup nalaani paasisarilikkat ataatsimiititap suleriaqarnermi atussavai, matumani innersuussutit ataatsimiititap suleriaqqiinissamut atugassatut toqqagai ilanngullugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Siornaticigut aalajangerneq

Meeqqanut Atuarfeqarnermullu Ataatsimiititap aalajangernera 18. juuni 2019-meersoq:

Ataatsimiititap angalanermit nalunaarusiaq akuerineqarpoq, suliarlu inaarutigalugu

Aningaasaqarnermut Inuusutissaqarnermullu Ataatsimiititap akuerisassanngorlugu ingerlateqqillugu.

Ilanngussat

1. Meeqqanut Atuarfeqarnermullu Ataatsimiititaliap marsi 2019-imi Arsummut Paamiunullu tikeraarnerannut atatillugu programmi.

Punkt 5: Suliat Kommunalbestyrelsimut ingerlateqqitassat

Punkt 05A: Inatsisit malillugit immikkoortumik nakkutillineq pillugu nalunaarusiaq

Beslutning

Inassuteqaatigineqartoq akuerineqarpoq.

Bilag

Inatsisit malillugit immikkoortumik nakkutillineq pillugu nalunaarusiaq: Kommuneqarfik Sermersuumi isumaginninnikkut maleruagassanik malinninneq pillugu, 2017-2018

Peter Brix Adersenip, Meeqqanut Ilaqtariinnullu Ingerlatsivimmi Oqartussaaffeqarfimmi Fagchefip Nakkutillineq pillugu nassuiaataa

Inatsisit malillugit immikkoortumik nakkutilliineq pillugu nalunaarussiaq

Kommuneqarfik Sermersuumi isumaginninnikkut maleruagassanik malinninneq pillugu, 2017-2018

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliassamik eqikkaaneq

Kommuneqarfik Sermersuumi isumaginninnermi, Meeqqanut Ilaqutariinnullu Ingerlatsivimmi (MI) malittarisassanik malinninneq pillugu malitseqartitsilluni nakkutilliinermut atatillugu Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfimmi 2017-ip naalernerani 2018-illu aallartilaarnerani nakkutilliartortoqarpoq. Siusinnerusukkut 2016-imi 2017-imilu nakkutilliartornermit isumaginninnermut ingerlatsivimmi suliniutit aallartinneqarsimasut malitseqartinneqarnissaat Nakkutilliartortut suliassaraat. Taakkunani marlunni nakkutilliineq Nuummi, Paamiuni Ittoqqortoormiinilu ingerlanneqarpoq. Nakkutilliisut nalilerpaat, ajornartorsiutit allaaserineqartut anigorniarlugit suliniutinik assigiinngitsunik ingerlatsivik aallartitsisimasoq. Naak malunnartumik pitsanngortoqaraluartoq, nakkutilliisut nalilerpaat ingerlatsivimmi anguniakkat suli anguneqarsimannngitsut, piffissamilu qaninnermi anguneqarnissaat piviusorsioruunngitsuq.

Suliaq Meeqqanut Ilaqutariinnullu Ataatsimiititami 13. juuni 2019 oqaluuserineqarpoq, tassanilu ilisimatitsissut tusaatissatut tiguneqarpoq, Aningaasaqarnermut Inuusutissarsiornermullu Ataatsimiititamut Kommunalbestyrelsimullu ilisimatitsissutit ingerlateqqinneqarluni.

Inassuteqaat

Meeqqanut Ilaqutariinnullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Piffissani pingasuni Kommuneqarfik Sermersuumi isumaginninnermi, Meeqqanut Ilaqutariinnullu Ingerlatsivimmi (MI) malittarisassanik malinninneq pillugu malitseqartitsilluni nakkutilliinermut atatillugu Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfimmi 2017-ip naalernerani 2018-illu aallartilaarnerani nakkutilliartortoqarpoq. Nakkutilliisut suliani meeqqanut tunngasuni sullissinnermi ajornartorsiutit sammineqarput. Nakkutilliiffiqineqartut tassaapput Ittoqqortormiit, Paamiut aamma Nuuk. Nakkutilliinermik nalunaarusiami, suliamik saqqummiussissummi matumani oqaatigineqartumi, Nakkutilliinermik ingerlatsivimmit pissutsit nalunaarusiami uparuarsimasai naammassiumallugit suliniuteqarfisaaanut tunngasut sammineqarput. Malinnaatitsineq illoqarfinni qulaani taaneqartuni ingerlanneqarpoq novembari 2017-imiit januaari 2018-ip tungaanut. Nakkutilliinermik nalunaarusiami ajornartorsiutit erseqqissaatigineqartut MI-p nassuerutigai. Deloitte avataaniit siunnersortitut ikiortigalugu, inerniliunneqarpoq Kommuneqarfik Sermersuumi suliat meeqqanut inuusuttunullu tunngasunit 1200-nit ingerlanneqartunit suliani taakkunani kukkunerit amigaatillu 75 %-it missigigaat.

Nalunaarusiami siullermi juunip 2-ani 2017-imeersumi innersuusutigineqartut aallaavigalugit, maannakkut malitseqartitsilluni nalunaarusiami inerniliunneqarpoq:

- Ingerlatsiviup Politiillu akornanni suliassat agguataarneqarnissaannut suleqatigiillu marluullutik ikiorseeqatigiittarnissaannut erseqqissumik suli isumaqatigiissuteqartoqanngilaq.
- Suli at angerlarsimaffiup avataanut inissiinissamut angajoqqaarsianullu inissiinissanut tunngasut misissorneqarsimapput, angajoqqaarsiatullu akuersissutinut tunngasut iluarsineqarsimallutik.
- Suli at pilersinneqartarput sularineqartarlutillu qarasaasiamut, SBSYS-imut immiunneqartarput. Suli at pisoqqat amerlanersaat systemimut nutaamut nussorneqarnikuupput.
- Suliani ingerlasuni kukkunerit amigaatillu iluarsineqanngillat. Tassunga atatillugu torersaasussanik nutaanik kommune pilersitsisimavoq. Taamatut suli aqarneq ukiumi arlalinni ingerlanneqassaaq.
- Meeqqanik pinerliisimannginnermut uppersaatinik pissarsiniartarnermi suleriaaseq iluarsineqarsimavoq.
- Meeqqanut inuusuttunullu tunngasunik suliassaqaarfik immikkut aningaasaliiffineqarnikuuvuq, siunnersorteqarnikkut, ingerlatsiviup tunngavissaata ineriartortinneqarnissaanut atuutilersinneqarnissaanullu atugassanik. Allannguutit naammassineqassappata, meeqqanut inuusuttunullu tunngasunik suli aqarfik inatsisit naapertorlugit piunnaasaatinut illersorneqarsinnaasumik inississinnaalissaaq. Nutaamik aqqissuussinerup kingunerisaanik ingerlatsivimmuut sullissisunullu ataasiakkaanut annertunerusunik piunnaaqartoqalissaaq.
- Nunarput tamakkerlugu meeqqanut inuusuttunullu suliassaqaarfik ersarluttunik aqutsisoqarnerinik sulisullu akornanni suliassat naammattumik suussusersineqanngitsut ersiuteqartarput.
- Suliassaqaarfiup pitsaassusiata qaffassarnissaanut sulisussarsiortarneq suli ajornartorsiutaavoq.

Aaqqiissutissat siunnersuut – suli atigut naliliineq

- Politiinik isumaqatigiissuteqarnissaaq suliassat agguataarneqarnissaanik ersarissumik agguassinertalimmik.
- Meeqqanik pinerliisimannginnermut uppersaatinik pissarsiniartarnermi suleriaatsinik suli aqarneq.
- Kommunimi qitiusumi avataanilu ingerlatsiviit piginnaasaannik agguataarineq pillugu takussutissaliorneq, pingaartumik angalaqatigiittartut suliassat eqqarsaatigalugit.
- Kommunip qitiusumik ingerlatsiviisa avataaniittullu akornanni pitsaanerusunik attaveqatigiittarnissamut aqqutissat pillugit suleriaasiliorneq.
- Suliani tamani suniluunniit nalunaarsueriaatsini sukaterineq.
- Sullissisutut sulinermi sulianut tunngasunik pissarsisarniaraanni, pingaaruteqarpoq eqqaamassallugu suliassaqaarfimmi tassani inatsisitigut atugassarititaasunik ingerlatsinissaaq, nunarsuarlu tamakkerlugu pisussaaffiunngitsoq, soorlu: "Kikkut tamarmik ajunngitsumik inuuneqarnissaminut pisinnaatitaaffeqarput".

Aningaasatigut sulisoqarnikkullu naliliinerit Soqanngilaq

Inatsisitigut tunngavissaaq allakkallu tunngaviusumik uppersaatatillit
Isumaginninnermut tunngasunik nakkutilliineq pillugu Namminersornerullutik Oqartussat nalunaarutaat nr. 6, 16. februar 2006-imeersoq.

Ingerlariaqqinnissaaq

Tullianik MI-mi nakkutilliisoqalerpat, paasissutissanik pisariaqartunik pissarsiniarnermut atatillugu aaqqiissutissatut siunnersuut qulaani taaneqartoq nalunaarusiareqqullugu kommune qinnuigineqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Siornatigut aalajangerneq

Meeqqanut Ilaqutariinnullu Ataatsimiititap aalajangernera 13. juuni 2019-imeersoq:

Ilisimatitsissut tusaatissatut tiguneqarpoq

Ilanngussat

1. Inatsisit malillugit immikkoortumik nakkutilliineq pillugu nalunaarusiaq: Kommuneqarfik Sermersuumi isumaginninnikkut maleruagassanik malinninneq pillugu, 2017-2018
2. Peter Brix Adersenip, Meeqqanut Ilaqutariinnullu Ingerlatsivimmi Oqartussaaffeqarfimmi Fagchefip Nakkutilliineq pillugu nassuiaataa

Punkt 05B: Aqqaluup Aneersaartarfia

Beslutning

Inassuteqaat akuerineqarpoq, oqaaseqaatigalugu Peqatigiiffik Nuummi Eqqaamasat sulinermi ingerlariaqinnermi peqataatinneqassasoq.

Bilag

Bilag 1

Aqqaluup Aneerasaartarfia

Aqqaluup aneerasaartarfianut tamakkiisumik pilersaarutip suliarineqarnera pillugu ilisimatitsissut

Ilisimatitsissut

J.nr.: 16.04-P20-2-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummi Sermersooq2028-imi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup sumiiffik tamanna pillugu tamakkiisumik pilersaarut ingerlatsiviup aallartippaa.

Tamakkiisumik pilersaarutip suliarinerani atuisut assigiinngitsut qanimut attavigineqartassapput, taamaasilluni pilersaarut najukkami sunniuteqaqataaffigalugu piginneqataaffigineqarnissaa qulakkeerneqassammat. Tamatuma saniatigut suliap ingerlanerani Holmit Illuata kommunimit pigineqartup qanoq pineqarnissaa pillugu innersuussuteqartoqarumaarpoq.

Suliaq Sanarfinermut Avatangiisinullu Ataatsimiititap 03. juuni 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- ilisimatitsissut ataatsimiititamit tusaatissatut tiguneqassasoq aamma
- Suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummi Sermersooq2028-imi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup sumiiffik tamanna pillugu tamakkiisumik pilersaarut ingerlatsiviup aallartippaa. Sumiiffik kateriffiusarpoq qorsortalik, Imaneq aamma Nuutoqqap akornanni kulturikkut ataqatigiissitsiffik, inuillu assigiinngitsorpasuit tamaani siunertanut assigiinngitsunut aaqqissuussisarput, ukioq kaajallallugu piffissani assigiinngitsuni.

Kateriffiusartup aneerasaartarfittut nutarternatigut taaguuteqalersinneratigullu illoqarfimmi innuttaasunut takornarianullu annertuumik nuannaarutaalersissavaa. Aneerasaartarfiup ineriartortinneqarnissaa aamma Imaneq pisuinnarnut aqqutinngortinnissaanut sulianut maannakkut ingerlanneqartunut attuumassuteqartinneqassaaq aammalu illoqarfiup qeqqata kiisalu Nuummi Nuutoqqami oqaluttuarisaanermut tunngassuteqartut akornanniittut ataqatigiissinneqarnissaat.

Tamakkiisumik pilersaarummi aamma siunnersuutigineqassaaq, kommunip illuutaa - Holmit Illuat - qanoq pineqassanersoq pillugu.

Tamakkiisumik pilersaarutip suliarinerani atuisut assigiinngitsut qanimut attavigineqartassapput, taamaasilluni suliap ingerlaneranut siunissamilu suliarineqartussap najukkami sunniuteqaqataaffigalugu piginneqataaffigineqarnissaa qulakkeerneqassammat. Tamatuma

saniatigut Sanarfinermut Avatangiisinullu Ataatsimiititaq suliap ingerlanera kingusinnerusukkut peqataatinneqarumaarpoq.

Aaqqiissutissatut siunnersuut – suliatigut naliliineq

Ingerlatsiviup nalilerpaa, sumiiffimmut tamakkiisumik pilersaarut, pitsanngorsaattissatut suliassanik aammalu aserfallatsaaliornissamut pilersaarummik imaqarumaartoq. Imaappoq, sumiiffik illoqarfimmi innuttaasunut tikeraanullu nutaamik pingaaruteqalerlunilu naleqarnerulersinneqassaaq.

Holmit Illuat asseqanngitsumik inissisimaffeqarpoq, pingaaruteqarporlu, tamakkiisumik pilersaarummi illup siunissaa nassuiaateqarfigineqassasoq, taamaasilluni illu siunissamilu atorineqarnissaa aneerasaartarfimmut attumassuteqarlualersinneqarniassamat.

Tamakkiisumik pilersaarummi aallaavigineqassaaq nuannersunik issiaartarfeqalersinnissaa, avatangiisinut ataqatigiissinnissaa, aammalu naatitsiviunissaanut pitsanngorsaasoqarnissaa. Aamma imeq aneerasaartarfiuneranut pingaaruteqartunut ilaatinneqassaaq.

Aningaasatigut sulisoqarnikkullu naliliinerit

Sanaartugassanut missingersuutitut Aqqaluup aneerasaartarfianut 4 mio-it aningaasaliissutigineqarput, aamma taakkununnga ilaapput Holmit Illuat taavalu B 510.

Inatsisitigut tunngavissaq allakkallu tunngaviusumik uppermarsaatitallit

Kommunip takorluugaa pingaarnertullu ilusissaani Aqqaluup aneerasaartarfianut anguniakkanik arlalinnik aalajangersaaffiupput.

http://sermersooq2028.gl/dk/vision_og_hovedstruktur/nuuk/fokusomraader_i_midtbyen/aqqaluks_park.htm

Ingerlariaqqinnissaq

Ingerlariaqqinnissamut tunngasut lanngussaq 1-mi takuneqarsinnaapput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Imaattumik workshopperititsisoqarnissaa pilersaarutigineqarpoq:

Ulloq 7 maj fritidshjemmet Aqqaluk Workshoppeqatigalugu, meeqqat sunik eqqarsaateqarpat sunillu takorluugaqarpat?

Ulloq 27 maj Sumiiffimmi soqutigisallit, eqqaamiut suliffeqarfiillu

Tamatuma saniatigut ataasimiinnerit/workshoppillu Utoqqaat Illuat aamma Sanarfinermut Avatangiisinullu Ataatsimiititaq peqatigalugit.

Pilersaarut suliarineqareerpat politikikkut akuersissutigineqassaaq, tassungalu atatillugu ingerlatsiviup aamma tamanut saqqummersinneqarnissaa eqqarsaatigaa. Suliap ingerlanissaa ilanngussaq 1-imi takuuk.

Siusinnerusukkut aalajangerneq

Sanarfinermut Avatangiisinullu Ataatsimiititap 03. juuni 2019-imi aalajangernera:

Ataatsimiititap inassuteqaat akuersissutigaa

Ingerlatsivinnit allaniit oqaaseqaatit

Soqanngilaq

Ilanngussat

1. Ilanngussat

Punkt 05C: Qernertunnguani Saunamik atisanillu taarsiisarfimmik sananeq

Beslutning

Inassuteqaatigineqartoq akuerineqarpoq.

Bilag

Nunap assinga ilanngussa

Suliniutip titartagartai

Qernertunnguani Saunamik atisanillu taarsiisarfimmik sananeq

Ilisimatitsissut

J.nr.: 18.01.02-G01-348-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu ingerlatsivimmit ilisimatitsissutigineqarpoq Qernertunnguit eqqaanni qeqertami (tak. ilanng. 1) Qasigiannugit eqqaanniittumi saunamik atisanillu taarsiisarfimmik sananissamut piffissaq killiligaasumi nunaminertamik sanaartorfissamik atugassiisoqarsimasoq.

Suliaq Sanarfinermut Avatangiisinullu Ataatsimiititap ulloq 03, juuni 2019-imi ataatsimiinnerani suliarineqarpoq, tassani Ataatsimiititamit inassuteqaat akuerineqarpoq oqaaseqaatilerlugu, pingaaruteqartuusooq oqaatigissallugu nunaminertamik atugassiineq taanna killiligaasooq; suliarlu Aningaasaqarnermut Inuussutissarsiornermullu Ataatsimiititamut ingerlateqqinneqarpoq kiisalu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaat

Sanarfinermut Avatangiisinullu Ingerlatsiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ukiuunerani nalunnguarumatuut ulloq apriliip 14-at 2019 nunaminertamik saunamik atisanillu taarsiisarfimmik sananissamut atuisinnaanermut piffissaa killiligaasumik qinnuteqaateqarsimapput Nuummi Qenertunnguit avannaatungaanni qeqertami Qasigiannugit eqqaanniittumi.

Qinnuteqaatigineqartoq kommunimut pilersaaruteqarfiusumi 3D5-imiippoq. Sumiiffik sanaartorfioqqusaanngilaq periarfissaqarlunili sukisaarsarnermut siunertaqartunik sanaartorfineqarsinnaasutut.

Sanaartugassaapput saunaliassaq atisanillu taarsiisarfii marluk. Sanaartugassat pingasuusut nunamut kappussanik toqqaveqartinneqassapput qasertoq taartumik qisuusumik qalliateqartussaallutik, takuuk titartagaq nunallu assinga ilanngussat.

Nunaminertamik atugassiineq ukiuni marlunni atuutsinneqassaaq, taassuma kingorna sivitsorneqarnissaanut qinnuteqartoqarsinnaalluni.

Aaqqiissutissatut siunnersuut – suliatigut naliliineq

Ingerlatsivimmit nalilerneqarpoq sauna- aamma atisanik taarsiisarfimmik sanaartorsinnaanermik periarfissaqarneq Qasigiannugit eqqaanni inuummarissaataassasoq sumiiffiillu sukisaarsartarfittut atorneqarnissaa pitsaasuussasoq, misigisassanullu nutaanut ilapittuutaajumaartoq.

Saunamik atisanillu taarsiisarfimmik sanaartorneq aamma illoqarfimmi ukiuunerani nalunnguarumatuunut periarfissiillualissaq aammalu piumasut misileraasinnaalissapput.

Immikkut ittumik piumasaqaatit tulliuuttut tunngavigalugit nunaminertamik atugassiisoqarpoq:

- Silataasa sanaartorneri qisummik qaliaalu qalissiarsuarmik qalliuserneqassapput.
- Saunamik atisanillu taarsiisarfimmik atuinerit illuutit eqqaanniittut biilnut unittarfutaannut artukkiissanngilaq.
- Sumiiffik tamanit tikinneqarsinnaassaaq aammalu assersorneqassanani.
- Eqqakkat Kommunip Eqqakkanik tigooraavia isumaqatigalugu pissapput sumiiffimmilu uninngateqqusaanngillat.
- Nunaminertamik atugassiineq qaammatinik marlunnik sivisussusilimmik ilisimatitseqqaarluni unitsinneqarsinnaavoq.

Aningaasatigut sulisoqarnikkullu naliliinerit

Soqannngilaq

Inatsisitigut tunngavissaq allakkallu tunngaviusumik uppersaatitallit

Nunaminertaq pilersaaruteqarfiusoq: 3D5, Qasigiannugit eqqaanni sanaartorfioqqusaanngitsaq.

Pilersaaruserneq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersoq.

Sermersooq2024.gl (Kommunimut pilersaarut)

Illuliortaatsimut politikki 2016

Ingerlariaqqinnissaq

Sanaartornerup aallartinnginnerani Sanaartornermut oqartussaqaarfik qinnuteqarfigineqaqqaassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

Sanaartugassat sanaartukkanit allanit ungasiartumiinnerat pissutigalugu nunaminertamillu atugassiineq ataavartussaannngimmat eqqaamiunik tusarniaanissaq pisariaqanngilaq.

Ingerlatsivinniit allaniit oqaaseqaatit

Ingerlatsivinnit allanit oqaaseqartitsisoqarsimanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap ulloq 3. juuni 2019-imi aalajangernera:

Inassuteqaatigineqartoq Ataatsimiititami akuerineqarpoq oqaaseqaatilerlugu, pingaaruteqartuusaq oqaatigissallugu nunaminertamik atugassiineq taanna killiligaasoq.

Ilanngussat

1. Nunap assinga ilanngussaq
2. Suliniutip titartagartai

Punkt 05D: Kommunitut pilersaarummut tapiliussassatut siunnersuut 1C6-2, Nuummi Naasuerniarfiusimasup nunataa

Beslutning

Inassuteqaatigineqartoq akuerineqarpoq.

Bilag

Kommunitut pilersaarummut tapiliussamut siunnersuut 1C6-2 Naasuerniarfiusimasup nunataa, Nuukullak, Nuuk

Kommunimut pilersaarummut tapiliussassatut siunnersuut 1C6-2, Nuummi Naasuerniarfiup nunataa

Aalajangiiffigisassaq

J.nr.: 16.03.01.01-P16-17-18

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuummi 1C6-2-mi siunertarineqarpoq immikkoortup ilaani pioreersumi tamakkiisumik pilersitsisoqarnissaa. Tamaani nutaanik inissialiortiternissamut periarfissiisoqassaaq, ataatsimoorfiusartussanik pisiniarfinnillu ilallugit.

Nutaamik sanaartorneqarsinnaasut ilagaat inuussutissarsiutit mingutsitsisuuffiunngitsut, eqqumiitsuliortut sullivii, café, pisiniarfiit assigisaallu, inissiat akornanni. Atuuffiit assigiinngitsuunerisigut illoqarfiup ilaa uummaarissoq pilersinneqassaaq ulloq unnuarlu atuuffiusinnaasoq, toqqissisimanermut attuumassuteqarnermullu ikorfartuisoq, peqatigitillugulu illoqarfiup ilaanik eqeersimaarfiusumik illumi ataatsimoorfiit atorluarnerisigut pilersitsisoqarsinnaalluni.

Suliaq Sanarfinermut Avatangiisinullu Ataatsimiititap 03. juuni 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 1C6-2, Naasuerniap toqqavia, Nuukullak, Nuuk, sapaatip akunnerini 8-ni tusarniaassutigineqarnissaa akuersissutigineqassasoq
- tamatumalu kingorna Kommunimut pilersaarummut tapiliussassatut siunnersuut 16C6-2 Kommunalbestyrelsimut ilisimatitsissutissatut ingerlateqqinneqassasoq

Suliassamik saqqummiussineq

Kommunimut pilersaarummut tapiliussassatut siunnersuummi 1C6-2-mi siunertarineqarpoq immikkoortup ilaani 1C6-imi pioreersumi immikkoortumik tamakkiisumik E-mik pilersitsisoqarnissaa. Tamaani illoqarfiup qeqqanut qanittunik inissialiortitertoqassaaq, ataatsimoorfissaliortoqarluni, inuussutissarsiorfinnik pisiniarfinnillu sanaartortoqassaaq.

Kommunimut pilersaarummut tapiliussassatut siunnersuummi sumiiffiup C-tut immikkoortinneqarnera (ataatsimoorfissatut), aammalu tamassuma Nuup illoqarfittut ineriartortinneqarnissaanut pingaaruteqarnera aalajangiusimaneqarpoq. Imaappoq, sumiiffik tamanna ukiuni arlalinni suliffissuaqarfioreerluni suliffeqarfinnik, inissianik sulisoqarfinnillu mingutsitsiffiunngitsunik assigiinngitsunik pilersitsiffiulersinnaassaaq.

Siunnersuummi naasuerniarfiusimasup nunataani sanaartorfissamik nutaamik pilersitsisoqarnissaa siunnersuutigineqarpoq, naasuerniarfiusimasorlu peerneqareernikuulluni.

Sumiiffimmi pilersaarusiortofiusumi quleriit tallimat tikillugit portussusilinnik illuliortoqarsinnaavoq, inini allerni qiterisaqarfeqarluni ininilu qullerni inissiaqarluni. Illuliani nutaani suliffeqarfinnik mikinerusunik aallartitsiffiusinnaasunik initaqassaaq, ininilu allerni suliffeqarfiit ingerlanneqareersut periarfissaqartinneqassallutik. Atuuiffiit assigiinngisitaarnerisigut illoqarfiup ilaa tamanna ulloq unnuarlu uummaarissuutinneqassaaq, toqqissisimanermik attuumassuteqarnermillu ikorfartoqarluni. Taamaattumik suliffeqarfiit mingutsitsiffiunngitsut, eqqumiitsuliortut sullivii, café, pisiniarfiit assigisaallu, inissiat nutaat ilanngullugit, illoqarfiup ilaani uummaarissumik toqqammaviliissapput illorsuarmi ataatsimoorfiusinnaasut ilanngullugit.

Aaqqiissutissatut siunnersuut – suliatigut naliliineq

Ingerlatsiviup nalilerpaa, pilersaarummut tapiliussassatut siunnersuut sumiiffimmi illoqarfiup ineriartortinneqarnissaanik kissaateqarnermut pitsaasumik immersueqataaffiussasoq. Inissianik pitsaasunik pilersitsisoqarsinnaavoq illoqarfimmut qanittumiittunik, kiisalu inuussutissarsiorfeqalernissaanut periarfissiisoqassalluni, sumiiffiup tamakkiisumik ineriartortinneqarnissaanut kivitseqataaffiusinnaasunik.

Kommunimut pilersaarummut tapiliussassatut siunnersuut Illuliortaatsimut politikkipimi malittarisassatut oqaasertaliunneqartunut naapertuuppoq, tassani pingaartinneqarmat inissianik pitsaasunik qaamanermik atorluaaffiusunik pilersitsisoqassasoq silataanut aqutissagissaartunik.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kingunerisassaqaangilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17 ulloq 17. november 2010-meersoq aamma

Inatsisartut inatsisaat nr. 34 9 decembari 2015-imeersoq

Kommunimut pilersaarut internetimiittoq www.sermersooq2028.gl

Ingerlariaqqinnissaq

Kommunimut pilersaarummut tapiliussassatut siunnersuut sapaatip akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Piffissaq tusarniaaffigineqartoq qaangiuppat tusarniaanermi akissuteqaatit suliarineqassapput politikikkullu suliarineqaqqittussanngorlugu ingerlateqqinneqassaaq inaarutaasumik akuersissutigineqarnissaa siunertaralugu.

Aningaasaqarnermut Allatseqarfimmit oqaaseqaatit

Soqaangilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussassatut siunnersuut sapaatip-akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinniit allaniit oqaaseqaatit

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 03. juuni 2019-imi aalajangernera:

Ataatsimiititap inassuteqaat akuersissutigaa

Ilanngussat

1. Kommunimut pilersaarummut tapiliussamut siunnersuut 1C6-2 Naasuerniarfiusimasup nunataa, Nuukullak, Nuuk

Punkt 05E: Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk

Beslutning

Inassuteqaatigineqartoq akuerineqarpoq.

Bilag

Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk.pdf

Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk

Aalajangiiffigisassaq

J.nr.: 16.03-P20-5-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuut 1C4-3 immikkoortup ilaata 1C4-p eqiteriffiginissaanut periarfissaqalissaaq, sisamanik quleriilinnik illorsualiortoqarsinnaalluni. Immikkoortoq tamanna qiterisaqarfittut aalajangiusimaneqassaaq, tamaani illorsuit initaat allit illoqarfiup tungaanut sammissapput qiterisaqarfiit aqqusaarlugit igalaavilu ersarissuussallutik. Siunnersuummi immikkoortoq tamakkiisoq I-mi aalajangersakkat nutaat nassuiaasersorneqarput aammalu immikkoortoq III-mi aalajangersakkat atuutilersinneqarlutik, kommunimut pilersaarummut tapiliussami 1C4-2-mi atuuttumi nassuiaatigineqarsimasut. Kommunimut pilersaarummut tapiliussap 1C4-3-p taamaasilluni kommunimut pilersaarummut tapiliussaq 1C4-2 taarsissavaa.

Suliaq Sanarfinermut Avatangiisinullu Ataatsimiititap 03. juuni 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 1C4-3, Sipisaq Avannarleq, Nuuk, sapaatip-akunnerini 8-ni tusarniaassutigineqarnissaa akuersissutigineqassasoq
- tamatumalu kingorna Kommunimut pilersaarummut tapiliussassatut siunnersuut 1C4-3, Sipisaq Avannarleq, Nuuk, ilisimatitsissutitut Kommunalbestyrelsimut ingerlateqqinneqassasoq.

Suliassamik saqqummiussineq

Nuup alliarthonera ilutigalugu inissiaqarfiit eqiternissaannut pisariaqartitsineq annertusiartorpoq, kiisalu sukisaarsarfiit aqputaasa illoqarfiullu immikkoortuini illoqannginnersat illoqarfiup innuttaanut tikeraavinullu nuannaarutaasussamik qulakkeerineqarnissaat pitsanngorsarnissaallu pisariaqarluni.

Sanaartorfissaq B-299-ip illoqarfiup ineriartortinnissaanut atatillugu ingerlatsivik kommunimut pilersaarummut tapiliussassatut siunnersuut 1C4 suliarivaa. Taamaasilluni sumiiffiup siunissami qiterisaqarfittut ineriartortinnissaa nassuiaatitalerneqarpoq. Ineriartortitsineq pissaaq kommunip Illuliortaatsimut politikkaa aammalu kommunimut pilersaarut Sermersooq 2028 aallaavigalugit.

Kommunimut pilersaarummut tapiliussassatut siunnersuummi 1C4-3-mi immikkoortumi tamakkiisumi I-mi aalajangersakkat sukumiisumik nassuiaatigineqarput, taakkua kommunimut pilersaarummut tapiliussami atuuttumi 1C4-2-mi taamaallaat immikkoortumut tamakkiisumut III-mut

sukumiisumik aalajangersakkat nassuiaatigineqarlutik. Sanaartorfissat nutaat 9-t atugassiissutigineqarput tassani sanaartorfissat 1-6 immikkoortumi tamakkiisumi I-mi inissisimallutik taavalu sanaartorfissat 7-9 immikkoortumi pingaarnermi III-mi inissisimallutik.

Sanaartorfissani nunaminertamik atuinissamik akuersissutit pioreersut annikitsunik allilernissaat periarfissaqassaaq, peqatigitillugulu portussutsikkut eqiterisoqarnissaanut periarfissaqalissalluni, taamaasilluni illorsuaq Aqqusinersuup tungaanut sisamanik quleriilik sananeqarsinnaassalluni. Aqqusinersuaq sinerlugu tamanit aqputigineqartarnissaa nukittorsarniarlugu inini allerni inissianik sanaartortoqassanngilaq, aammalu inini allerni iikkat 50 %-ii igalaatut suliarineqassallutik.

Siunnersuummi aalajangiusimaneqarpoq, immikkoortumi pingaarnermi II-mi illorsuit marlunnik quleriillit tikillugit sananeqarsinnaasut, Noorlernut aamma Sipisaq Avannarlermut tungaanut ilaqutariit illuinut pukkinerusunut killeqarfilerlugu.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa kommunimut pilersaarummut tapiliussassatut siunnersuutip sumiiffiup siunissami qiterisaqarfittut ineriartortinneqarnissaa qulakkiissagaa, sumiiffimmi atuuffiit aallaavigalugit. Akunnittarfissap HHE Express-ip maannakkut sananeqarneratigut, siunnersuummi periarfissiissutigineqartutut Aqqusinersuup tungaanut eqiterisoqalissaaq.

Eqiterinermi Aqqusinersuup tungaanut aqput ataqatigiinnerulissaaq, illup saqqai soqutiginartut aammalu pisinuarnut pitsaasunik aqputeqalersitsinissaaq. Peqatigitillugu kujammut illut pukkiartortinneqassapput, taamaasilluni ulluklut illorsuarni taakkulu silataanni qaamaneqarluarniassammat. Kujammut illut pukkiartortinnerisigut Noorlernut Sipisaq Avannarleq-mullu illut sinerlugit ataqatigiinnerulertoqassaaq. Taamaasilluni aamma Aqqusinersuarmi aammalu "Titarneq Oqaluttuarisaanermut Attuumassutilik"-mi takusassat ersarissarnissaat kiisalu Nuup nangittumik ineriartortinneqarnissaanut ataatsimoortunik portusuunik illuliorqarsinnaanissaanut pilersitsinissaaq siunniunneqarluni.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kingunerisassaqaanngilaq.

Inatsisitigut tunngavissaaq allakkallu tunngaviusumik uppernarsaatitalit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17 ulloq 17. november 2010-meersoq aamma Inatsisartut inatsisaat nr. 34, 9. decembari 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaaq

Pilersaarutissatut siunnersuut sapaatit-akunnerini arfineq-pingasuni piffissami 10.7.2019 – 04.9.2019 akornanni tamanut tusarniaassutigineqarnissaa naatsorsuutigineqarpoq. Tusarniaassummut akissuteqarnissamut killiliussaaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu

inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuusutissarsiormullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Sanaartorfissap B-299-ip NIVI eqqaani nutaamik illuliortoqarnissaa pillugu soqutigisalinnut ataatsimiititsisoqarnikuuvoq, tasanilu suliassaq eqqartorneqarluni.

Tamanut tusarniaassutigineqarnissaa Nuuk ugeaviisikkut nalunaarutigineqassaaq, siunnersuullu kommunip tusarniaanermut isaaffiatigut pissarsiarineqarsinnaalissalluni.

Ingerlatsivinniit allaniit oqaaseqaatit

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 03. juuni 2019-imi aalajangernera:

Ataatsimiititap inassuteqaat akuersissutigaa

Ilanngussat

1. Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk

Punkt 05F: Kommunimut pilersaarummut tapiliussassatut siunnersuut 1C35-2 Peqqissaavik Nuuk

Beslutning

Inassuteqaatigineqartoq akuerineqarpoq.

Bilag

Kommunimut pilersaarummut tapiliussassatut siunnersuut 1C35-2

Kommunimut pilersaarummut tapiliussassatut siunnersuut 1C35-2 Peqqissaavik Nuuk

Aalajangiiffigisassaq

J.nr.: 16.03.01.01-P16-3-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuummi peqqissaavik pisortanit pigineqartoq sananeqarsinnaalissaaq sumiiffimmi C-mi pioreersumi (sumiiffik siunertanut ataatsimoorussassanut), Nuup qiterpasissuani inissisimasusaaq. Sumiiffik ullumikkut kommunip qatserisarfiata inissisimaffigaa, siunissami ineriartortitsinissami taassuma nuutinneqarnissaa pisariaqassaaq.

Pilersaarummut siunnersuummi sumiiffik sanaartorfissanut marlunnut agguarneqarpoq, taakkuli ataatsimoortumik sanaffigineqarsinnaalissapput. Sanaartorfissami A-mi pingasunik quleriillit tikillugit sanaartortoqarsinnaavoq taavalu sanaartorfissaq B-mi tallimanik quleriillit tikillugit sanaartortoqarsinnaalluni. Kisialli sanaartugassat ataatsimoortinneqassagaluarpata illut portussusissaat malinneqassapput.

Suliaq Sanarfinermut Avatangiisinullu Ataatsimiititap 03. juuni 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigivaa:

- Kommunimut pilersaarummut tapiliussassatut siunnersuut 1C35-2, Peqqissaavik, Nuuk, sapaatip akunnerini 8-ni tusarniaassutigineqarnissaa akuersissutigineqassasoq
- tamatumalu kingorna Kommunimut pilersaarummut tapiliussassatut siunnersuut 1C35-2, Peqqissaavik, Nuuk, ilisimatitsissutitut Kommunalbestyrelsimut ingerlateqqinneqassasoq.
-

Suliassamik saqqummiussineq

Kommunimut pilersaarummut tapiliussassatut siunnersuummi pineqarpoq sumiiffik Nuup qiterpasissuaniittoq, Jagtvejimi illorsuit kitaatungaaniittoq. Ullumikkut tamanna qatserisarfiup inissisimaffigaa, sumiiffiullu ineriartortinneqarnissaanut taanna nuutinneqartariaqassaaq.

Kommunimut pilersaarummut tapiliussassatut siunnersuummi sumiiffiup C-tut tamanit ataatsimoorussiffittut atorineqarnissaa aalajangiusimaneqarpoq, kisiannili peqqissaavimmik pisortanit pigineqartumik sanasoqarnissaa periarfissaalluni, ilisimatusarnermut ilinniartitsinerimullu tunngasunik atuuffeqarnissaa ilanngullugu, kiisalu ilisimatuunit, ilinniartitsisunit allanillu tikeraanut inissanik ataasiakkaanik sanasoqarnissaanut periarfissalimmik.

Aaqqiissutissatut siunnersuut – suliatigut naliliineq

Ingerlatsiviup nalilerpaa ineriartortitsinissamik eqqarsaatigineqartoq illoqarfiup ineriartortinneqarnissaanut, tamaani aallartinneqareersumut, naapertuulluurtuusoq tassami Qatanngutigiiinguit Pingasut inissiat portusuut maannakkut sanilerisatut sananeqaleruttormata, minnerunngitsumillu kommunimut pilersaarummut tapiliussatut akuerineqareersumut 1C6-1 Nuukullak, illoqarfiup nutarternissaanut periarfissiisumut. Aammalu sumiiffik Dronning Ingridip Nappasimmavissuanut qanittumiippoq, taamaattumillu pissusissamisuuinnartumik tassunga atassuteqartinneqarsinnaalluni.

Kommunimut pilersaarummut tapiliussassatut siunnersuummi sumiiffik sanaartorfissanut marlunnut agguarneqarpoq, portussutsit assigiinngitsut nassuiaatigineqarlutik, portunerulersinneqarsinnaallutik. – Kujammut kimmud sammerngani Svend Jungep Aqqutaa-ta tungaanut quleriit pingasut tikillugit sanasoqarnissaa siunnersuutigineqarpoq. Avannamut kangimut sammerngani kommunimut pilersaarummut tapiliussassami siunnersuutigineqarpoq, tassani quleriit tallimat tikillugit sanasoqassasoq. Sanaartorfissat marluk ataatsimoortinneqarsinnaapput, taamaasilluni illuliat ataqatigiissunngortinneqassallutik. Ingerlatsiviup nalilerpaa, illut portussusissaat assigiinngitsut suliarineqarpata illut pissanganartumik isikkullit, Illuliortaatsimut politikkimut naapertuuttut sananeqarsinnaalissasut.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immini aningaasatigut kingunerisassaqaqngilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusionerq aamma nunaminertat atorineqartarneri pillugit Inatsisartut inatsisaat nr. 17 ulloq 17. november 2010-imeersoq aamma Inatsisartut inatsisaat nr. 34 9 decembari 2015-imeersoq Kommunimut pilersaarut internetsimiittoq www.sermersooq2028.gl

Ingerlariaqqinnissaq

Kommunimut pilersaarummut siunnersuut tamanut tusarniaassutigineqassaaq sap. ak. 8-ni piffissami 10. juli – 21. augusti 2019. Tusarniaanermut piffissaliunneqartoq qaangiuppat tusarniaanermut akissuteqaatit pissarsiarineqartut suliarineqassapput pilersarutitullu siunnersuut iluarsiiissuteqarfigineqarluni. Tamanna pereerpat Sanarfinermut Avatangiisinullu Ataatsimiititamut, Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik akuersissutigineqartussanngorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit

Soqaqngilaq

Innuttaasunik peqataatitsineq/attaveqaqatigiinneq

Siunnersuut sapaatip-akunnerini 6 tamanut tusarniaassutigineqassaaq, tamannalu Nuuk Ugeavisikkut nalunaarutigineqassaaq kiisalu kommunit attaveqaqatigiittarfiisigut, tusarniaanermut isaaffissaq ilanngullugu.

Ingerlatsivinniit allaniit oqaaseqaatit

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 03. juuni 2019-imi aalajangernera:

Ataatsimiititap inassuteqaat akuersissutigaa

Ilanngussat

1. Kommunimut pilersaarummut tapiliussassatut siunnersuut 1C35-2

Punkt 05G: Angerlarsimaffeqanngitsuuneq pillugu periusissiatut pilersaarut

Beslutning

Inassuteqaatigineqartoq akuerineqarpoq.

Bilag

Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa

Angerlarsimaffeqanngitsuuneq pillugu periusissiatut pilersaarut

Aalajangiiffigisassaq

J.nr.: 40.00-P15-1-19

Suliffeqarnermut Isumaginninnermullu Ingerlatsivik – Pisortaq Isak Nielsen Kleist – ISNK

Suliassamik eqikkaaneq

Kalaallit Nunaanni taamatut inissimalersarnejq nunarsuarmi nunarpassuarnisut ippoq, tassami inuttut ajornartorsiuteqartut suliffeqanngitsut attaveqaateqanngitsulluunniit annermik illoqarfinnut anginerusunut nuukkumasarmata. Pingaartumik Kalaallit Nunaata sinneranit innuttaasut Nuummut nuuttarput.

Kommuneqarfik Sermersuup Naalagaaffiit Peqatigiit Issittumi Piujuartitsinissamik Tunngaveqarluni Ineriartortitsinissamut Nunarsuarmi Anguniagaannut Kommuneqarfik Sermersuumi innuttaasut tamarmik ataqqinartumik attanneqarsinnaasumillu inuuneqarnissaannik qulakkeerinissaq anguniagaraa. Nunarsuaq tamakkerlugu anguniagaq pingaernerutinneqarpoq Kommuneqarfik Sermersuumullu Naalagaaffiit Peqatigiit Nunarsuaq tamakkerlugu anguniagaannut iliuuserineqartussat ilaatinneqarput.

Siuliini taaneqartut pingaartillugit angerlarsimaffeqanngitsuuneq pillugu kommunip suliniutaasa siunnerfilernissaat najoqqutassaqarnissaallu periusissiatut pilersaarummi siunertarineqarpoq.

Suliffeqarnermut Isumaginninnermullu Ataatsimiititap Nuummi Kofoeds Skole suleqatigalugu angerlarsimaffeqanngitsuuneq 2019-imi januaarip ulluisa 30-anni innuttaasunik ataatsimiisitsissutigineqarpoq. Ataatsimiisitsineq tunngavigalugu angerlarsimaffeqanngitsuuneq pillugu periusissiatut pilersaarutissatut siunnersuuteqarnermik kinguneqarpoq.

Siunnersuut 2019-imi apriliip ulluisa arfineq-pingajuanniit 29-ata tungaanut tusarniaassutigineqarpoq.

Suliaq Suliffeqarnermut Isumaginninnermullu Ataatsimiititami 4. juuni 2019 oqaluuserineqarpoq, tassanilu ataatsimiititami suliaq akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- periusissiatut pilersaarussiaq akuersissutigineqassasoq
- suliaq kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Kommuneqarfik Sermersuumi inuttut ineriartornermut toqqammavissaqartitsisoqassaaq, tamatumanimi innuttaasut tamarmik inuiaqatigiinni isumalimmik atuuffeqarnissaat anguniarneqassamat. Angerlarsimaffeqanngitsutut inuuneq ullut tamaasa uumaniarnermut tunngasuusarpoq taamaalillunilu imminut ilaqutarisanullu isumaqartumik inuuneqarniarneq ilungersunarsinnaasarluni.

Periusissiatut pilersaarummi qitiusoq tassaavoq, angerlarsimaffeqanngitsuunermut peqputaasut assigiinngisitaarmata inuillu kikkulluunniit tamarmik immikkut inissisimanerat immikkuullarilluinnarluni.

Taamaattumik inuit ataasiakkaat tunngavigalugit tamakkiisutut isigisumik iliuusissatut pilersaarutitik suliniuteqartoqassaaq.

Aammattaaq sulisut suliaminnik suliarinnissinnaanissaannut sakkusaqartinneqarnissaat qulakkeerneqassasoq pingaaruteqarpoq.

Suleriaqqinnissap najoqputassaqaalersinnissaata suliarinerani tamanna qitiusimavoq, taannalu Kommuneqarfik Sermersuumi pissutsinut naleqqussagaalluni.

Kommuneqarfik Sermersuup angerlarsimaffeqanngitsuuneq pillugu periusissiatut pilersaarutaa qulequttanik pingaarnernik sisamanik imaqarpoq. Qulequttat sisamat ukuupput:

- Tamakkiisumik isumaginninnikkut sullissinissaq
- Angerlarsimaffeqanngitsunut iliuusissanik pilersaarusiorneq
- Atituumik suleqatigiinnerit ataatsimoorussallu
- Sullinneqartut pillugit sulisut ilinniarteqqinneqartarnerat

Kommunip maannakkut angerlarsimaffeqanngitsunut inissaqartitsinermi neqeroorutit tassaapput:

- Unnuiffissat marluk: 36-inik tamarmik inissaqartitsisut. Arnat immikkut immikkoortoqarput.
- Modulboliger: 26-inik inissialik – angerlarsimaffeqanngitsisut suliffillit inigisaat.

Aaqqiissutissatut siunnersuut – suliatigut naliliineq

Aningaasatigut sulisoqarnikkullu naliliinerit

Sulisunik piukkunnarsarnermut ineriartortitsinissami aningaasaliisoqassaaq. Piffissap ingerlanerani suliniutip perorsaanermut tunngasortaa ikorfartorniarlugu ilinniarsimasunik atorfinitsitsiniarnissaq sulissutigineqassaaq.

Inatsisitigut tunngavissaq allakkallu tunngaviusumik uppernarsaatitallit

Naalagaaffit Peqatigiit inuit pisinnaatitaaffii pillugit isumaqatigiissutaat Kommuneqarfik Sermersuup Nunarsuarmi anguniagaanut periusissiaq

Ingerlariaqqinnissaq

Periusissiatut pilersaarutit akuersissutigineqarnissaa tunngavigalugu ataatsimiititap tulliani ataatsimiinnissaanut angerlarsimaffeqanngitsunut kommunip neqeroorutai qanoq isikkoqarsinnaanersut pillugit periusissat assigiinngitsut aalajangiussassatut saqqummiunneqarumaarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/Attaveqatigiinneq

Suliffeqarnermut Isumaginninnermullu Ataatsimiititaq Nuummi Kofeds Skole suleqatigalugu angerlarsimaffeqanngitsuuneq pillugu januaarip ulluisa 30-anni 2019 siunissami angerlarsimaffimmik taallugu innuttaasunik ataatsimiisitsivoq.. Tassannganiit eqqartukkat allatorneqarput angerlarsimaffeqanngitsuunerlu pillugu periusissiatut pilersaarutit suliarineqarneranut toqqammaviliisooqataalluinnarlutik.

Tamatuma kingorna angerlarsimaffeqanngitsuuneq pillugu periusissiatut pilersaarut tusarniaassutigineqarpoq.

Ingerlatsivinnit allanit oqaaseqaatit

Oqaaseqaateqanngilaq.

Siornatigut aalajangerneq

Suliffeqarnermut Isumaginninermullu Ataatsimiititap aalajangernera 4. juuni 2019-meersoq:

Ataatsimiititap inassuteqaat akuersissutigaa

Ilanngussaq

1. Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa

Punkt 05H: Nunaqarfiit katersortarfiinik tigusineq

Beslutning

Inassuteqaatigineqartoq akuerineqarpoq.

Bilag

Kommuneqarfik Sermersuummi nunaqarfeeqqani katersortarfiinnut.doc

Katersortarfiutileqatigiit Kapisillit, akissut..pdf

Immikkoortortamit Peqqinneq Sammisassaqartitsivimmiit allakkiaq Katersortarfiutileqatigiinnut

Nunaqarfiit katersortarfiinik tigusineq

Aalajangiiffigisassaq

J.nr.: 59.01

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliffeqarfimmi Kiffartuussineq - Kommunaldirektøri Lars Møller-Sørensen / LMS

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Meeqqanut Atuarfeqarnermullu Ingerlatsivik, tassanilu Peqqinneq Susasaqartitsinerlu Suliffeqarfimmi Kiffartuussineq suleqatigalugu, tassanilu Innuttaasunik Kiffartuussivik aamma Qinikkanut Allatseqarfik, kiisalu Sanarfinermut Avatangiisinullu Ingerlatsivik, tassanilu Sanarfinermut Immikkoortortaqarfik nunaqarfinni katersortarfinnik ingerlatsinermik tigusinissamut siunnersuummik nassiussivoq. Tigusinermi allaffissornikkut Peqqinneq Susasaqartitsinermullu akisussaasunngortitsinermik kinguneqarpoq.

Kommuneqarfik Sermersuumimi katersortarfiit assigiinngitsunik piginnittoqarput, nunaqarfinnili amerlanerni nammineq pigisuullutik. Ullumikkutut kommunip piginngisaminik aserfallatsaaliuisinnaannginnera tigusinissamik siunnersuummut tunngaviuvoq. Sumiiffinni peqatigiiffeqartumi imaluunniit sulisoqartuni ingerlatsisoqarnissaanik immikkut isumaqatigiissuteqartoqarsinnaavoq.

Suliaq Meeqqanut Atuarfeqarnermullu Ataatsimiititami 18. juuni 2019 oqaluuserineqarpoq, tassanilu ataatsimiititami inassuteqaatit akuerineqarput, suliarlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Inassuteqaat

Meeqqanut Atuarfeqarnermullu Ataatsimiititap kiisalu Suliffeqarfimmi Kiffartuusiviup

Aningaasaqarnermut Inuussutissarsiornermullu Ataatsimiititamut inassutigaa:

- kommunimit katersortarfiit nunaqarfiiniittut arfineq-marluk tiguneqarnissaat akuersissutigineqassasoq
- Aningaasaqarnermut Inuussutissarsiornermullu Ataatsimiititami ingerlatsinermut aningaasartuutit ukiumoortut 1.35 mio koruunit pillugit siumut akuersissutigineqassasut
- aningaasartuutit 4.5 mio koruunit nunaqarfiit ineriartortinneqarnissaat pillugu pilersaarut aqutigalugu aningaasalersorneqarnissaat tusaatissatut tiguneqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq.

Suliassamik saqqummiussineq

Katersortarfiit aaqqissuinermi innuttaasunut katersuutitsisuupput, naatsumik oqaatigalugu: sumiiffiup kulturisiornermi illua naapittarfialu. Kommuneqarfik Sermersuumimi illoqarfiit nunaqarfillu katersortarfeqarput, piginnittuulu assigiinnatik, amerlanertigullu nunaqarfinni nammineq pigisuullutik.

Piginnittunut katersortarfinnullu peqatigiiffiit takussutissartaat - Katersortarfiutileqatigiit:

Illoqarfik	Nunaqarfik	Piginnittuunermut tunngasut	Katersortarfiutileqatigiit
Paamiut	Arsuk	Imminnut pigisut	-
Tasiilaq	Kuummiit	Imminnut pigisut	Aallartisarneqalerpoq

	Kulusuk	Imminnut pigisut	Aallartisarneqalerpoq
	Sermiligaaq	Imminnut pigisut	Peqatigiiffik ingerlalluartoq
	Isertoq	Imminnut pigisut	-
	Tiilerilaaq	Imminnut pigisut	Peqatigiiffiugallartoq
Nuuk	Kapisillit	Imminnut pigisut	2018-imi pilersinneqartoq
	Qeqertarsuatsiaat	Kommuneqarfik Sermersooq	-

Kommuneqarfik Sermersuummi marlunnik ingerlalluartunik katersortarfiutileqatigiiffeqarpoq, Sermiligaaq kiisalu Tiilerilaaq. Taakku marluk sunngiffimmi sammisaqartitsivimmut attartortitsinikkut aalajaatsumik isertitaqarnerinnarmik ingerlapput.

Kuummiini, Kulusummi Isertumilu katersortarfiutileqatigiit piffissap ingerlanerani matunikuupput, illullu taakkua taamanili uninngaannarlutik akiligassat nutarterneqarnissaallu pisariaqarnerat pissutaalluni.

2018-imi ukiami Kitaani nunaqarfiit Kapisilinni katersortarfiutileqatigiiffimmik pilersitsipput. Peqatigiiffiup illu atulernissaanut pilersaarutigaa, kisianni illup nutarsarneqarnissamik pisariaqartitsinera pissutaalluni unamminartorsiorput.

Arsummi Nunaqarfimmi Aqutsisoq katersortarfimmi nakkutilliisuvoq ukiunilu arlaqalersuni peqatigiiffeqarsimangilaq ingerlalluartumik. Qeqertarsuatsiaani aamma taamaappoq, innuttaasut minihallenimi katersuuttarput katersortarfittullu atorluartarlugu.

2017-imi immikkoortorta qarfik Peqqinneq Susassaqartitsinerullu siunnersuutigaa katersortarfinnik ingerlatsineq akilerniarlugu, imigassartaqanngitsumillu meeqqanut inuussuttuaqqanullu aqqissuisoqartassappat, tamannalu politikikkut akuerineqarpoq. Kisianni katersortarfinnut isumaqatigiissutit nunaqarfinni tamani suli inissinneqanngillat, katersortarfiit matoqqanerat pissutigalugu. Qanorluunniit ukiulinnut katersuuffissamik pisariaqartitsisoqarpoq, tamanna ataqatigiinnermut ataatsimoornermullu sumiiffimmut nukittorsaataasamat. Tigusinermi allaffissorinikkut Peqqinneq Susassaqartitsinerumullu akisussaasunngortitsinermik kinguneqarpoq.

Kommuneqarfik Sermersuumi katersortarfiit misissorneqarneranni maluginiarneqarpoq katersortarfiit annerusumik minnerusumilluunniit iluarsartuunneqarnissaat pisariaqartut. Pissutsip takutippaa nunaqarfinni katersortarfiit aserfallatsaaliuineramik amigaateqarneraniit qanoq aningaasatigut sanngiitsiginersut. Utaqqineq sivitsoraluarpat katersortarfiit attatiinnarnissaanut inuiannut akisunerulissaaq.

Aaqqiissutissatut siunnersuut – suliatigut naliliineq

Paasissutissat qulaani taagorneqartut tunngavigalugit Meeqqanut Atuarfeqarnermullu Ingerlatsiviup, tassanilu Peqqinneq Susassaqartitsinerullu siunnersuutigaat immikkoortorta qarfiup nunaqarfinni ingerlatsineq allaffissornerlu tigussagai. Aningaasanut tunngasut ataani taaneqartut tigusinissaq piviusunngortinnagu matussuserneqassapput. Nunaqarfinni katersortarfinnik aqutsinermik tigusinissamik siunnersuuteqarnermi piumasaqaatigineqarpoq katersortarfiit nutarterneqarnissaannik pisariaqartitsineq, Sanarfinermut Avatangiisinullu Ingerlatsivimmit oqaaseqaatinit allaaserineqarsimassasoq taavalu Sanarfinermut Avatangiisinullu Ingerlatsivimmit suliarineqarsimassasoq.

1. Ukiumoortumik ingerlatsinermut aningaasartuutit 1.1 mio koruunit kiisalu ukiumoortumik aserfallatsaaliuinermut aningaasartuutit 250.000 koruunit

2. Paarinerlutat aserfallatsaaliorneqarnissaminnut pisariaqartitsisut nunaqarfiit ineriartortinneqarnissaat pillugu pilersaarut aqcutigalugu 4.5 mio koruuninik aningaasalersorneqassaaq

1-imut: Peqqinneq Susassaqartitsinerullu nammineq killiussaminni aningaasanik matussusiisinnaanngilaq, taamaattorli nunaqarfiit katersortarfiinut ingerlatsinissamut 1.100.000 koruuninik qinnuteqarpoq. Tamanna politikikkut akuerineqassappat ilassutitut aningaasaliissutit aqcutigalugit pissaaq. Innuttaasunik Kiffartuusivik suleqatigalugu katersortarfiit inuttalersorneqassapput, eqqiaanermut, qaangiuttoormut weekendinilu sulinermi katersortarfimmut ataatsimut akissarsiaritinneqartut tiimimut 50 koruuniupput. Aningaasat Innuttaasunik Kiffartuussiviup kontuanut ikineqassapput. Saniatigut ukiumoortumik ulluinnarmi aserfallatsaaliinermut aamma pilersaarutaasut aserfallatsaaliuinnissamut pilersaarusiornermut ilassutitut aningaasaliissutit 250.000 koruunit qinnuteqaatigineqassapput.

2-mut: Katersortarfiit paarinerlutat atorneqalissappata katersortarfiit arfineq-marluk aserfallatsaaliuinnissamik pisariaqartitsipput. Nunaqarfiit ineriartortinneqarnissaat pillugu pilersaarut aserfallatsaaliuinnermi pisariaqartitsinnermi missingersuutaasut 4.6 mio koruuninik nalilimmik aningaasaliisuvoq.

Aningaasatigut sulisoqarnikkullu naliliinerit

Ukiumut ingerlatsinermut tapiissutit 1.1 mio. kr.

Nunaqarfimmut ataatsimut eqqiaanermi/nalinginnaasumik suliffiup avataatigut sulinermi akissarsiat 50.000 kr.

Illumut ataatsimut ingerlatsineq (Innaallagiamut, imermut kiassarnermullu kiisalu isumannaallisaanermut): 120.000 kr.

Eqqiaanermut atortunik il.il. illumut ataatsimut pissarsineq 50.000 kr.

Illumut ataatsimut ingerlatsinermut tapiinissamut pisariaqartitsineq katillugu

220.000 kr.

Katersortarfinnut tallimanut ingerlatsinermut tapiissutit katillugit

1.100.000 kr.

Illunut arfineq-marlunnut ulluinnarni aserfallatsaaliinermi aningaasartuutit katillugit: 120.000 kr.

Illunut arfineq-marlunnut piffissakkuutaartumik pilersaarutaasut aserfallatsaaliuinnissamik pilersaarusiornermut aningaasartuutit katillugit: 130.000 kr.

Illunut arfineq-marlunnut aserfallatsaaliuinnermut aningaasartuutit katillugit

250.000 kr.

Inatsisitigut tunngavissaq allakkallu tunngaviusumik uppersaatitallit

- MA 43 Sunngiffimmi neqeroorutit akeqanngitsut ineriartortinneqassapput.
- Inuuneritta II
- Nunaqarfinnut immikkoortunut pilersaarut

Ingerlariaqqinnissaq

Siunnersuut akuerineqassappat katersortarfiit tiguneqarnissaat sulissutigineqassaaq aammalu aserfallatsaaliorneqarnissaat pilersaarusiorneqassalluni. Tassungalu aningaasartuutinik pisariaqartitsilernerme malitsigisaanik ilassutitut aningaasaliissutissat qinnutigineqassapput.

Aningaasaqarnermut Allatseqarfimmit oqaaseqaatit

Siunnersuut nunaqarfinnut immikkoortunut pilersaarummut, sullissinerup qaffasissusaanut, inuunermik pitsaanerulersitsinermut aammalu sunngiffimmi soqutigisanut peqqinnartunut siunertarineqartunut ikorfartuutaammat tapersorsorneqarpoq.

Innuttaasunik peqataatitsineq/attaveqaqatigiinneq

Immikkoortortamit Peqqinneq Sammisassaqtitsivimmiit allakkiat 3-t nassiunneqarput nunaqarfinni katersortarfiliuteqatigiinnut, ukuusunut Kapisillit, Sermiligaaq aamma Tiilerilaaq. Immikkoortortaq Kapisilinniit akissutisivoq. Ilanngussaq 2 takuuk.

Nunaqarfinni Aqutsisut:

Nunaqarfimmi aqutsisut isumasioqatigiissinneqarnerat 2018-imut atatillugu nunaqarfimmi aqutsisut kissaateqarput nunaqarfinni pissutsinut naleqqussaasoqarnissaa, tassanilu nunaqarfinni peqatigiiffiit, piumassutsimik sulinermut tunngasut nukittorsarneqassasut kiisalu katersuuffissamik qulakkeerinnittoqassasoq. Tassanilu eqqaaneqarpoq sooq katersortarfiit sumiiffiini taakkunani ingerlanngitsut uummarsarneqarnissaannut kissaateqartoqarnerasoq.

Ingerlatsivinnit allanit oqaaseqaatigineqartut

Sanarfinermit Avatangiiisinniillu oqaaseqaatit:

Kommuneqarfik Sermersuummi katersortarfiit nammineq pigisunut iluarsartuussisoqarnissaanik pisariaqartinneqartutqartut 4.6 mio. koruuniussasut naatsorsuutigineqarpoq.

Arsuk	2.1 mio. kr.
Kuummiit	550.000 kr.
Kulusuk	1 mio kr.
Isertoq, Tiilerilaaq aamma Kapisillit katillugit	740.000 kr.
Sermiligaaq	200.000 kr.
Katillugit	4.59 mio. kr.

Taassuma saniatigut katersortarfinni aserfallatsaaliuinermit ukiumoortumik 250.000 koruuninut missiliorneqarpoq (ulluinnarni aserfallatsaaliineq aamma piffissakkuutaartumik pilersaarutaasutut aserfallatsaaliuinissamut pilersaarusioneq):

Siornatigut aalajangerneq

Meeqqanut atuarfeqarnermullu Ataatsimiititap aalajangernera 18. juuni 2019-imeersoq:

Ataatsimiititap inassuteqaat akuersissutigaa

Ilanngussat

1. Kommuneqarfik Sermersuummi nunaqarfeqqani katersortarfinnut killiffik, 2019
2. Katersortarfiuteqatigiit Kapisillit, akissut.
3. Immikkoortortamit Peqqinneq Sammisassaqtitsivimmiit allakkiat Katersortarfiuteqatigiinnut.

Punkt 05I: Ittoqqortoormiuni amminik tunitsiveqarniarerup aaqqiivigineqarnissaanut suliniut

Beslutning

Inassuteqaatigineqartoq akuerineqarpoq.

Bilag

Piniartut peqatigiiffiata allagai

Ittoqqortoormiuni amminik tunitsiveqarniarerup aaqqiivigineqarnissaanut suliniut

Kommunalbestyrelsimut ilaasortap Peter Davidsenip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmud Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Peter Davidsen (S) maajiip 14-anni 2019

Kommunalbestyrelsimut aalajangiiffigisassatut innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertaralugu misissuinissaq pillugu siunnersuuteqarpoq.

Inassuteqaat

Suliffeqarfimmud Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut itigartitsissutigineqarpoq, siornatigut siunnersuummik asseqqissaanik suliarinnittoqareernikummat, tassungalugu atatillugu Sanarfinermut Avatangiisinullu Ingerlatsivik isumaqatigiissuteqangajalermat.

Suliassamik saqqummiussineq

Kommunalbestyrelsimut ilaasortaq Peter Davidsen (S) maajip ulluisa 14, 2019

Aningaasaqarnermut Inuussutissarsiornermullu Ataatsimiititamut aalajangiiffigisassatut siunnersuummik nassiussivoq. Peter Davidsenip Aningaasaqarnermut Inuussutissarsiornermullu Ataatsimiititap puisit amianik tunitsivissamik pilersitsisoqarnissaanut aaqqiissutissamik ujartuisoqarnissaanik periarfissat eqqartuissasoq kissaateqarpoq.

Siunnersuuteqarnermut tunngavilersuut:

“Siullermik Ittoqqortoorminiit piniartut peqatigiiffianniit saaffigineqarpunga ammit pillugit.

Saaffiginnissut tunngavigalugu Aningaasaqarnermut Inuussutissalerinermullu Ataatsimiitsitaliami Ittoqqortoormiuni amminut tunitsiveqarniarneq pillugu kissaatigaara oqaluserissagipput.

Naluneqanngitsutut isorliunerusuniilluni piniartutut inuussutissarsiuuteqarnermi periarfissat annertunngillat, taamaammat kissaatigaara AIA-mi taanna pillugu aaqqiissutissanik ujartuisoqassasoq. Soorunami ammit tunisaanissaannut tunngatillugu susassaqartut saaffigineqartariaqarput suleqatigalugillu aaqqiissuteqartoqartariaqarpoq.

Piniartut peqatigiiffiata allagai (bilag 1)”

Siunertaq:

”Saaffiginnissut aallaavigalugu siunnersuuteqarninni siunertaraara Ittoqqortoormiuni piniartut inuussutissarsiornerminni periarfissaat annikereersut pitsaanerulersinniarlugit Kommuneqarfik Sermersooq susassaqartut allat suleqatiserissagai.

Ittoqqortoormiuni piniartutut inuussutissarsiuuteqartut ikorfartorniarlugit aaqqiissuteqarnissamut iliuusseqarnissarput pisussaaffigigatsigu.

Nalunngilarput piniartut aamma akiligassaqartartut aningaasarsiornermullu periarfissat isorliunerusuni killeqareertigisut (naak periarfissaqaraluartoq) inuussutissarsiuutigineqarsinnaasut iliuuseqarfigineqarnissaat qinikkat eqqummaariffigisariaqarpagut, piniartullu periarfissanik ujartuineranni ikorfartortariaqarpagut, akiligassanut allanullu inuuniarnermut attuumassutilinnut malinnaaniarneranni tapersorsorlugit”

Inatsisitigut tunngavissaq allakkallu tunngaviusumik uppermarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmut Kiffartuussivimmit innersuussutip tunuliaqutaa:

Siunnersuut februaarip 20-ni 2018-imi Kommunalbestyrelsip ataatsimiinnerani suliarineqareenera peqqutaalluni, Peter Davidsenip suliniutaa itigartissutigineqarpoq, Kommunalbestyrelsillu Suleriaasiani, §3, imm. 2. innersuunneqarluni. Kommunalbestyrelsip ataatsimiinnerani taakkartorneqareertumi suliaq attuumassutilinnut ingerlateqqinneqarpoq, massakkullu Sanarfinermut Avatangiisinullu IngerlatsivikIttoqqortoormiini puisit amianik tunitsiveqalernissaanik Great Greenlandilu isumaqatiissuteqangajalerput.

Ingerlariaqqinnissaq

Apeqqutaalluni qanoq aaliangiisoqarsimanersoq siunnersuut qinikkat allatseqarfianiik isumagineqassaaq.

Siornatigut aalajangerneq

Aningaasaqarnermut Inuussutissarsiornermullu Ataatsimiititap 20. februari 2018-imi aalajangiussaa:

Kommunalbestyrelsip siunnersuut taperserpaa, suliarlu Aningaasaqarnermut Inuussutissaqarnermullu Ataatsimiititap suliareqqitassanngorlugu ingerlateqqinneqarpoq.

Ilanngussat

1. Piniartut peqatigiiffiata allagai

Punkt 6: Taasariaqartut allat

Beslutning

Henrik Rachlev (IA):

Aningaasaqarnermut Inuussutissarsiornermullu Ataatsimiititap Paamiunut tikeraarnera Politikerit amerlanerit takkutinnngimmata ajuusaarnarpoq, pingaartumik innuttaasut ataatsimiinneranni, tassani Paamiut siunissaa eqqartorneqarmat. Tulliani tikeraarnissamut amerlanerit peqataanissaat kajumissaarutigineqarpoq.

Peter Davidsen (S):

Borgmesterimut tunngavoq, ataatsimiititami matumani ataatsimiititami ataatsimiinnermi peqataaqaarnernut pilluarit.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 19.20